

**PUO EA MOHLOPMPHEHI LETONA LA MERALO LE NTS'ETSOPELE MONGHALI TLOHELANG AUMANE MABAPI LE BOITLHOPHO BA LEFAPHA LA LIHLAPISO (NMDS) NAKONG EA QOMATSI EA SEOA SA CORONA KA LABOHLANO LA 27/03/2020 HOLONG EA LIBOKA EA MANTHABISENG CONVENTION CENTER MASERU**

Lefapha la Lihlapiso, le malalaotsoe hore le tsoele pele ho fana ka lits'ebeletso nakong ena eo lefats'e lohle le Basotho ba leng tsitsipanong ea seoa sa lefu la Corona Virus.

Joaloka mafapha a mang a nang le bosebeletsi boo sechaba se bo hlohang ka linako tsohle, Lefapha la lihlapiso le tla sebeletsa Baithuti libakeng tse tla hloauoa ka hara moaho.

Baithuti ba tla sebeletsoa, ke ba tla tlisa likopo tsa lihlapiso tse bapalitsoeng (Advertised scholarships) le ba amehang nts'etsopeleng ea tefo ea lihlapiso tsa bona likolong, le litsiane tsa baithuti tse kenyeletsang chelete ea lijo, libuka kapa tsa ba tsoarisitseng matsoho ho chorisa litsebo tsa bona (Project allowances) 'moho le medical aid ho ba ithutelang naheng ea Afrika Boroa.

Lefapha la Lihlapiso le tla boela le nts'etsapele ts'ebetso ea ho nts'a litsebisano tse hlokalang ka marang - rang, seea le moea le mecha e meng ea bophatlalatsi. Lits'ebeletso tsena li tla sebelisoa bakeng la baithuti ba nang le lipotso, ba hlohang litlhakisetsa le ba romelang litokomane tse hlokalang lefapheng la lihlapiso.

Mecha ena ea marang-rang e kenyeletsa whatsapp group tsa baemeli ba baithuti likolong, Facebook page e bitsoang National Manpower Development Secretariat le seea-le-moea sa Lesotho ka lenaneho le bitsoang "Molikong oa bacha", le bang ka Labohlano ha hora ea boraro e fetile ka metsotso e mashome a mararo (3:30pm).

Lenanehong lena Baithuti ba behoa sehlohlolong ka lits'ebeletso tseo Lefapha la Lihlapiso le fanang ka tsona. Ka holimo ho mecha e boletsoeng ea liphatlatso, Lefapha le boetse le entse li email address tse fumanehang leqepheng la Facebook la Lefapha la Lihlapiso moo Baithuti ba lebeletsoeng ho fetisetsa melaetsa le ho kopa thuso le litlhaloso liofising tse amehang.

Sechaba se tla boela se tsebisoa ha ho ba le liphepho tse ling ha nako e ntse e ea hofihlela maemo a boetse setloaeling.

**Khotso Pula Nala**